



Broj: 01-02-5844/17
Zenica, 12.04.2017. godine

- **VLADA ZENIČKO-DOBOJSKOG KANTONA**
 - n/r premijera Kantona
 - n/r sekretara Vlade
- **ZAKONODAVNO-PRAVNA KOMISIJA SKUPŠTINE-svim članovima**
putem Odjeljenja za poslove radnih tijela Skupštine - 04

PREDMET: Inicijativa Komisije za izbor i imenovanja Skupštine Zeničko-dobojskog kantona za izmjenu člana 14. stav 2. Zakona o Agenciji za privatizaciju Zeničko-dobojskog kantona („Službene novine Zeničko-dobojskog kantona“, broj: 4/97, 15/97, 6/01 i 8/10) -dostavlja se,

Komisija za izbor i imenovanja Skupštine Zeničko-dobojskog kantona, je na 19. sjednici održanoj 11.04.2017. godine, podnijela Inicijativu za izmjenu člana 14. stav 2. Zakona o Agenciji za privatizaciju Zeničko-dobojskog kantona („Službene novine Zeničko-dobojskog kantona“, broj: 4/97, 15/97, 6/01 i 8/10), a ista je sadržana u njenom Izvještaju sa navedene sjednice broj: 01-34-5324-2/17 od 11.04.2017. godine, koji vam dostavljamo u prilogu ovog akta.

Shodno članu 112. stav 1. Poslovnika Skupštine Zeničko-dobojskog kantona – Novi prečišćeni tekst („Službene novine Zeničko-dobojskog kantona“, broj: 7/12 i 12/13,) u prilogu vam dostavljamo na mišljenje predmetnu inicijativu, o kojoj ste se u smislu stava 2. citiranog člana, dužni izjasniti u roku od 30 dana, radi daljeg postupanja Skupštine po istoj u skladu s Poslovníkom Skupštine.

S poštovanjem!

SEKRETAR


Ibrahim Avdagić

Prilog: Izvještaj sa 19. sjednice Komisije za izbor i imenovanja Skupštine broj: 01-34-5324-2/17 od 11.04.2017. godine.

Dostavljeno:

1x Naslovu

1x Svim poslanicima Skupštine/ skenirano putem e-maila/05-03

1x U predmet – 03 „R“





Broj: 01-34-5324-2/17
Zenica, 11.04.2017. godine

Na osnovu člana 22. i 33. Poslovnika Skupštine Zeničko-dobojskog kantona-Novi Prečišćeni tekst («Službene novine Zeničko-dobojskog kantona», broj: 7/12 I 12/13), Komisija za izbor i imenovanja, na 19. sjednici održanoj dana 11.04.2017. godine, razmatrala je sljedeći:

DNEVNI RED

1. Utvrđivanje teksta Javnog oglasa za izbor jednog člana Nezavisnog odbora za izbor i reviziju, predstavnika MUP-a, u cilju objavljivanja istog,
2. Utvrđivanje teksta Javnog oglasa za izbor predsjednika i dva člana Nadzornog odbora Agencije za privatizaciju Zeničko-dobojskog kantona, u cilju objavljivanja istog.
3. Inicijativa Komisije za izbor i imenovanja za izmjenu člana 14. stav 2. Zakona o Agenciji za privatizaciju Zeničko-dobojskog kantona („Službene novine Zeničko-dobojskog kantona“, broj: 4/97 i 8/10),

o čemu Skupštini podnosi sljedeći:

IZVJEŠTAJ

T/1

Nakon razmatranja Prijedloga teksta Javnog oglasa za imenovanje jednog člana Nezavisnog odbora za izbor i reviziju iz reda Ministarstva unutrašnjih poslova, koji je pripremila Stručna služba Skupštine shodno odredbama Zakona o unutrašnjim poslovima Zeničko-dobojskog kantona, Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH, broj: 34/03 i 65/13), kao i Poslovnika Skupštine Zeničko-dobojskog kantona, Komisija nije imala primjedbi, te je utvrdila tekst navedenog Javnog oglasa i odlučila da se isti objavi u dnevnom listu „Oslobođenje“ i u „Službenim novinama Federacije BiH“, kao i na web stranici Zeničko-dobojskog kantona, s tim da oglas ostaje otvoren 15 (petnaest) dana od dana posljednje objave.

Razlog za raspisivanje Javnog oglasa je prestanak radnog odnosa **Munevera Mehičića**, kao policijskog službenika, u Ministarstvu unutrašnjih poslova Zeničko-dobojskog kantona **dana 29.12.2016. godine po sili zakona** zbog navršavanja 40 godina penzionog staža u kom svojstvu je bio imenovan u Nezavisni odbor za izbor i reviziju, kao jedan od dva predstavnika Ministarstva unutrašnjih poslova, povodom čega je Skupština Zeničko-dobojskog kantona na 39. sjednici održanoj 03.04.2017. godine donijela Odluku o razrješenje imenovanog, koja je stupila na snagu danom donošenja.

T/2

Nakon razmatranja Prijedloga teksta Javnog oglasa za imenovanje Nadzornog odbora Agencije za privatizaciju Zeničko-dobojskog kantona, koji je pripremila Stručna služba Skupštine, shodno odredbama Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH, broj: 34/03 i 65/13) i Odluci o kriterijima za imenovanje u Nadzorni odbor Agencije za privatizaciju Zeničko-dobojskog kantona (“Službene novine Zeničko-dobojskog kantona”, broj: 15/03), Komisija nije imala primjedbi, te je utvrdila tekst istog javnog oglasa, a koji će se objaviti u „Službenim novinama Federacije Bosne i Hercegovine“ i dnevnom listu „Oslobođenje“, s tim da javni glas ostaje otvoren 15 (petnaest) dana od dana posljednje objave. Razlog za raspisivanje Javnog oglasa je potreba blagovremenog provođenja propisane procedure prije isteka mandata članovima postojećeg Nadzornog odbora Agencije za privatizaciju Zeničko-dobojskog kantona.

T/3

- a) Pod ovom tačkom dnevnog reda, Komisija za izbor i imenovanja je u skladu sa odredbom člana 111. Poslovnika Skupštine Zeničko-dobojskog kantona - Novi prečišćeni tekst („Službene novine Zeničko-dobojskog kantona“, broj: 7/12 i 12/13), podnijela:

INICIJATIVU

za izmjenu člana 14. stav 2. Zakona o Agenciji za privatizaciju Zeničko-dobojskog kantona („Službene novine Zeničko-dobojskog kantona“, broj: 4/97, 15/97, 6/01 i 8/10), koja glasi:


U člana 14. stav 2. Zakona o Agenciji za privatizaciju Zeničko-dobojskog kantona („Službene novine Zeničko-dobojskog kantona“, broj: 4/97, 15/97, 6/01 i 8/10), broj „2“ zamjenjuje se brojem „4“.

O b r a z l o ž e n j e:

Razlog za podnošenje ove inicijative Komisija vidi u činjenici da postoje, (na osnovu dosadašnjeg iskustva u provođenju procedure imenovanja Nadzornog odbora Agencije za privatizaciju Zeničko-dobojskog kantona), velike poteškoće u popunjavanju ovog organa kandidatima koji ispunjavaju sve propisane uslove, jer se na javni oglas u posljednje vrijeme ne prijavi dovoljan broj kandidata pa se javni oglas mora ponoviti, zbog čega Komisija smatra da bi se na javni oglas prijavio veći broj kandidata ukoliko bi mandat Nadzornog odbora trajao četiri, umjesto dvije godine, te u činjenici da je dosadašnji propisani mandat od 2 godine suviše kratak da bi se izabrani predsjednik i članovi detaljno i u potpunosti upoznali sa cjelokupnom problematikom i preduzeli sve potrebne aktivnosti iz nadležnosti ovog organa, za što su dvije godine nedovoljne.

- b) U okviru ove tačke dnevnog reda, Komisija za izbor i imenovanja je uputila **urgenciju** Vladi Kantona i nadležnom kantonalnom ministarstvu da **hitno** uzmu u razmatranje Inicijativu ove Komisije za izmjenu člana 2. Odluke o kriterijima za imenovanje u Nadzorni odbor Agencije za privatizaciju Zeničko-dobojskog kantona («Službene novine Zeničko-dobojskog kantona» broj: 15/03), kojom se traži izmjena navedenog člana pomenute Odluke, na način da se član 2., tačka 2. alineja 2. mijenja i glasi: **“da imaju najmanje 5 godina radnog iskustva u struci“**, a koja je podnesena na 3. sjednici ove Komisije, održanoj 08.04.2015. godine, po kojoj Vlada Kantona još nije dostavila traženo mišljenje, iako je davno prošao propisani rok od 30 dana za dostavljanje navedenog mišljenja.

PREDSJEDAVALAČI



Orhan Mujdža, s.r.

Dostavljeno:

- 1x Poslanicama Skupštine Kantona
- 1x Vlada Kantona, *n/r sekretara*
- 1 x Ministarstvo za privredu, *n/r ministra*
- 1 x Agencija za privatizaciju Zeničko-dobojskog kantona,
– **Upravni odbor** –
ul. Zmaja od Bosne bb, Zenica
- 1 x Agencija za privatizaciju Zeničko-dobojskog kantona
n/r direktora, Zmaja od Bosne bb, Zenica
- 1 x Evidencija 19. sjednice Komisije/04-02

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“ broj: 7/10), na prijedlog Ministarstva za privredu, Vlada Zeničko-dobojskog kantona na 101. sjednici održanoj 03.07.2017. godine, d o n o s i

ZAKLJUČAK

I.

Prihvata se Mišljenje Ministarstva za privredu broj: 04-02-5844-1/17 od 19.06.2017. godine, po Inicijativi Komisije za izbor i imenovanja Skupštine Zeničko-dobojskog kantona za izmjenu člana 14. stav 2. Zakona o Agenciji za privatizaciju Zeničko-dobojskog kantona („Službene novine Zeničko-dobojskog kantona“, broj: 4/97, 15/97, 6/01 i 8/10), a kojim se predmetna Inicijativa podržava.

II.

Zaključak sa Mišljenjem Ministarstva za privredu iz tačke I. ovog zaključka upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-02-9692 /17.
Datum, 03.07.2017. godine
Zenica

DOSTAVLJENO:

- 1x Stručna služba Skupštine
- 1x Ministarstvo za privredu
- 1x a/a.



Na pokrenutu Inicijativu Komisije za izbor i imenovanja Skupštine Zeničko-dobojskog kantona za izmjenu člana 14. Stav 2. Zakona o Agenciji za privatizaciju Zeničko-dobojskog kantona („Službene novine Zeničko-dobojskog kantona“, broj: 4/97, 15/97, 6/01 i 8/10), Ministarstvo za privredu daje slijedeće:

MIŠLJENJE

Inicijativom Komisije za izbor i imenovanja Skupštine Zeničko-dobojskog kantona, koja je sastavni dio Izvještaja, broj: 01-34-5324-2/17 od 11.04.2017. godine, traži se izmjenu člana 14. Stav 2. Zakona o Agenciji za privatizaciju Zeničko-dobojskog kantona („Službene novine Zeničko-dobojskog kantona“, broj: 4/97, 15/97, 6/01 i 8/10), a koja se svodi na izmjenu vezanu za povećanje trajanja mandata članova Nadzornog odbora Agencije za privatizaciju Zeničko-dobojskog kantona sa dvije na četiri godine.

U članu 14. stav 2. broj „2“ zamjenjuje se brojem „4“.

Kao razlog za podnošenje takve inicijative navode slijedeće:

„Komisija za izbor i imenovanja Skupštine Zeničko-dobojskog kantona u svom dosadašnjem radu ima velike poteškoće u popunjavanju upražnjenih pozicija predsjednika i članova Nadzornog odbora Agencije za privatizaciju, jer se na javni oglas ne javi dovoljan broj kandidata pa se javni oglas mora ponoviti. Komisija smatra da bi se na Javni oglas prijavio veći broj kandidata ukoliko bi mandat trajao četiri, umjesto dvije godine, kao i da bi u tom slučaju Nadzorni odbor imao dovoljno vremena da se upozna sa cjelokupnom problematikom u Agenciji za privatizaciju, te preduzme sve potrebne aktivnosti iz nadležnosti ovog organa.“

Zakonom o Agenciji za privatizaciju („Službene novine Federacije Bosne i Hercegovine“, broj: 18/96, 2/02 i 110/12) nije regulisano trajanje mandata predsjednika i članova Nadzornog odbora.

Članom 20. stav 2. Statuta Agencije za privatizaciju U Federaciji Bosne i Hercegovine (Prečišćen tekst) („Službene novine Federacije Bosne i Hercegovine“, broj: 76/15) definisano je da „se predsjednik i članovi Nadzornog odbora imenuju na period od četiri godine...“

Smatramo da su razlozi navedeni u Inicijativi Komisije za izbor i imenovanja Skupštine Zeničko-dobojskog kantona, koja je sastavni dio Izvještaja, broj: 01-34-5324-2/17 od 11.04.2017. godine **u potpunosti osnovani i da ih treba uvažiti**, a ujedno i uskladiti Zakon o Agenciji za privatizaciju Zeničko-dobojskog kantona sa Federalnim propisima iz iste oblasti.

Stoga smo mišljenja da se predložena inicijativa, kao i njeno obrazloženje, **mogou prihvatiti**

Broj : 04-02-5844-1/17
Zenica, 19.06.2017.godine

